

黃氏逸書考

漢學堂經解

逸書考

服虔春秋左氏傳解詁

甘泉黃奭學

惠公元妃孟子孟子卒

嫌與惠公俱卒故

重言之也

隱公

元年

春王正月

孔子作春秋於春每月書

王以統三王之正

未王命故不書爵

爵者醢也所以醢盡其

材也

服虔左傳解詁

大叔完聚 聚太夸也

謂之鄭志 公本欲養成其惡而加誅使不

得生出此鄭伯之志意也

竝春秋正義
下正義仿此

不及黃泉 天京地黃泉在地中故言黃泉

史記鄭
世家注

公入而賦姜出而賦 入言公出言姜明俱

出入互相見

正義

大王使宰咺來歸惠公仲子之壻 咺天子

宰夫

周禮秋
官疏

貽覆也天王所以覆被臣子

天子七月而葬同軌畢至 軌車轡也王者
馭天下必令車同軌書同文同軌畢至謂
海內皆至也四夷異俗不可同其文軌天
子之喪不能以時赴弔故言同軌以別四
夷之國也

惠公之薨也有宋師 宋師卽黃之師也是
時宋來伐隱公自與戰

三
年 潢汙行潦之水 畜小水謂之潢水不流
文選注引謂之汙行潦道路之水也義
作不洩正

衛莊公娶于齊東宮 臣之妹 得臣齊世

子名居東宮是也

詩衛風疏

驕奢淫佚所自邪也 言此四者過從邪起是也

四年將修先君之怨於鄭

先君莊公也

正義

君若伐鄭以除君害 公子馮將爲君之害

敝邑以賦與陳蔡從 賦兵也以田賦出兵

故謂之賦

故宋公陳侯蔡人衛人伐鄭 衛使宋爲主

使大夫將故序衛于陳蔡下

並祀風疏

衛人使右宰醜蒞殺州吁于濮

右宰醜衛

大夫濮陳地

衛世家注

昭文章

大司馬職曰中秋教治兵辨旗

物之用王載大常諸侯載旂軍吏載旗師

都載旛鄉遂載物郊野載旐百官載旟遂

以獮田

正義曰服虔解此引司馬職文明是旌旗所建用秋辨旗物之法

不登於俎

上登爲升下登爲成

九月考仲子之宮

宮廟初成祭之名爲考

將納仲子之主故考成以致其五祀之神以堅之

所以節八音而行八風八風八卦之風乾音石其風不周坎音革其風廣莫艮音匏其風融震音竹其風明庶巽音木其風清明離音絲其風景坤音土其風涼兌音金其風闐闐

竝正義

叔父有憾於寡人諸侯稱同姓大夫長曰

伯父少曰叔父

小雅疏

年六鄭人來渝平更成也 公爲鄭所獲釋而

來結平于是更爲約束以結之故曰渝平
人取長葛 長葛不繫鄭者刺不能撫有

其邑

並正義

年七初戎朝于周發幣于公卿凡伯弗賓 戎

以朝禮及公卿大夫發陳其幣凡伯以諸
侯爲王卿士不修賓主之禮敬報於戎是
以冬天王使凡伯來聘還戎伐之於楚北
以歸

儀禮觀
禮疏

及鄭伯盟歃如忘如而似臨歃而忘其盟

載之辭言不精也

正義

年八先配而後祖大夫以上無問舅姑在否

皆三月見祖廟之後乃始成昏

禮記曾子問疏

諸侯以字爲諡因以爲族公之母弟則以

長幼爲氏貴適統伯仲叔季是也庶公子

則以配字爲氏尊公族展氏臧氏是也

官有世功則有官族謂異姓也

年九先者見獲必務進先者見獲言必不往

相救各自務進言其貪和也

並正義

十一年滕侯薛侯來朝爭長先登授玉

觀禮疏

周之宗盟宗盟同宗之盟

顓考叔挾輓以走考叔挾車轅筆馬而走

並正義

使營菟裘吾將老焉菟裘魯邑也營菟裘

以作宮室欲居之以終老也

館于寫氏館舍也寫氏魯大夫

並魯世家注

桓公九年宋華父督見孔父之妻于路曰迎而送

之

晉戴公之孫曰者極視晴不轉也

宋世

家注

宋殤公立十年十一戰 與夷隱四年卽位

一戰伐鄭圍其東門再戰取其禾皆在隱

四年三戰取邾田四戰邾鄭入其郛五戰

伐鄭圍長葛皆在隱五年六戰鄭伯以王

命伐宋在隱九年七戰公敗宋師于菅八

戰宋衛入鄭九戰宋人蔡人衛人伐戴十

戰戊寅鄭伯入宋皆在隱十年十一戰鄭

伯以號師大敗宋師在隱十一年是皆在

隱公世也

二年大路越席

大路木路

史記禮書注引服虔云大路紀天車

也越席結草以爲席也後漢書輿服志注引服虔云大路總名也如今駕駟高車矣尊卑俱乘之其末飾有差○按二書所引服說必皆本解詁並錄於此

藻率鞞

藻畫藻率制中

鞞厲游纓

纓如索帶今乘輿大駕有之正並

義

遷九鼎于洛邑

今河南有鼎中觀

周書召誥疏

三辰旂旗 三辰日月星也謂之辰者辰時

也日以照晝月以照夜星則運行於天民

得取其時節故謂之辰也

大雅疏○觀禮疏引服注云九

旂之總名

蔡侯鄭伯會于鄧 言蔡鄭會于鄧之國都

正義

士有隸子弟 士卑自其子弟爲僕隸祿不

足以及宗

既夕疏

三韓萬御戎 韓萬晉大夫曲沃桓叔之子

莊伯之弟

大雅疏

五年蔡人衛人陳人從王伐鄭 言人者時陳

亂無君則三國皆大夫也故稱人

衛風疏

州公如曹 春秋前以黜陟之法進爵爲公

正義

秋大雩 大雩夏祭天名雩遠也遠爲百穀

求膏雨也龍見而雩龍角亢也謂四月昏

龍星體見萬物始盛待雨而大故雩祭以

求雨也一說大雩者祭於帝而祈雨也一

服虔左傳解詁

說郊祀天祈農事雩祭山川而祈雨也

後漢

耆禮儀志注○月令疏引此文畧

凡祀 魯祭天以孟月祭宗廟以仲月

王制疏

始殺而嘗 孟秋也

正義

六吾牲牷肥腍 牛羊曰肥豕曰腍

嘉栗旨酒 穀之初熟爲栗

接以太牢 接者子初生接見于父

御覽

以德命爲義 謂若大王度德命文王曰昌

文王命武王曰發

不以畜牲 六畜馬牛羊豕犬雞

不以器幣 俎豆醴醢犧象之屬皆不可以

爲名也

七年穀伯鄧侯來朝名賤之也 穀鄧密邇于

楚不親仁善鄰以自固卒爲楚所滅無同

好之救桓又有弑賢兄之惡故賤而名之

九年曹太子其有憂乎非歎所也 古之爲享

食所以觀威儀省禍福無喪而戚憂必讐
焉今太子臨樂而歎是父將死而兆先見

也

年十一春齊衛鄭宋盟于惡曹 經不書宋宋

後盟

並正義

君多內寵 言庶子有寵者多

雍氏有寵於宋 爲宋正卿故曰有寵

並鄭世家

注

年十三公會紀侯鄭伯及齊侯宋公衛侯燕人

戰 時衛先君未葬而稱爵者譏其不稱

子也

曲禮疏

夫固謂君訓衆而好鎮撫之 夫謂鬪伯比也

不書所戰後也 下曰者公至而後定戰日

十四 乙亥嘗 魯以壬申被災至乙亥而嘗

不以災害爲恐 並正義

十五年 鄭伯因櫟人殺檀伯而遂居櫟 檀伯

鄭守櫟大夫櫟鄭大都 水經注

十六 構急子 構會其過惡

使盜待諸莘 莘衛東地 並鄆風疏

十七年天子有日官諸侯有日御 日官日御

典祿數者也

日官居卿以底日禮也 是居卿者使卿居

其官以主之重祿數也

並春官疏

十八年公遂及文姜如齊齊侯通焉 傍注曰

通又云凡淫曰

通○即風疏

夏四月丙子享公 爲公設享讌之禮

晉世家注

祭仲逆鄭子于陳而立之 鄭子昭公弟子

儀也

鄭風疏

莊公元年夫人孫于齊 桓公之薨至是年三月

期而小祥公憂思少殺念及於母以其罪重不可以反之故書孫于齊耳其實先在於齊本未歸也

齊風疏

不稱姜氏絕不爲親 夫人有與殺桓之罪絕不爲親得尊父之義善莊公思大義絕有罪故曰禮也

二年夫人姜氏會齊侯于禚 蓋魯桓公之喪從齊求以文姜爲二年始來

齊風疏

四年楚武王尸授師子焉以伐隨 子句子

也凡戰而無刃秦晉之間謂之子或謂之
鑕吳揚之間謂之伐東齊秦晉之間其大
者謂之曼胡其曲者謂之句子曼胡冬官疏

六年楚文王伐中過鄧 鄧曼姓也

楚世家注

八年師次于郎以俟陳人蔡人 言欲共伐郕

正義止

瓜時而往曰及瓜而代 瓜時七月及瓜謂

後年瓜時

連稱有從妹在公宮 爲妾在宮也

見大豕從者曰公子彭生也 公見彘從者

乃見彭生鬼改形爲豕也

並齊世家注

豕人立而啼

啼呼也

文選注

九年夏公伐齊納子糾齊小白入于齊 齊大

夫來迎子糾公不亟遣而盟以安之齊人

歸迎小白

十年蒙臯比而先犯之 樂記云倒載干戈包

之以虎皮名之曰建櫜鄭玄以爲甲兵之

服虔左傳解詁

衣曰縗縗韜也其字或作建皐

十一 覆而敗之曰取某師 覆隱也設伏而

敗之謂攻其無備出其不意敵人不知敗
之易故曰取

宋公靳之 恥而惡之曰靳

並正義

十二 羣公子奔蕭公子御說奔毫 蕭毫宋

邑也

陳人使婦人飲之酒 宋萬多力勇不可執

故先使婦人誘而飲之酒醉而縛之

宋人皆醢之

肉醬

並宋世家注

年十三春齊侯宋人陳人蔡人邾人會于北杏

北杏之會時已得王命

十四丙蛇死六年而厲公入蛇北方水物

永成數六故六年而厲公入

年十六不可使其叔無後于鄭定叔之祖其

叔殺有伐君之罪宜世不長而云不可使

其叔無後於鄭言其刑之偏頗鄭厲公以

孽篡適同惡相恤故黨於其叔欲令其後

不絕傳所以惡厲公也

義並止

十八年

夏公追戎于濟西

桓公爲好莊公獨

不能修而見侵濟西曹地

夏官疏

秋有蜮

蜮短狐南方盛暑所生其狀如鼈

古無今有含沙射人人皮肉中其瘡如疥

徧身中獲獲蜮蜮

春秋疏作或或

故爲災禮曰惑

君則有

秋官疏

二十二年

執燕仲父

南燕伯爵

正義

二十二年

鄭伯享王于闕西辟

闕象魏也

天官疏

西辟西偏也

王以后之鞶鑑予之號公請器王子之爵鄭
伯由是始惡於王 鞶鑑王后婦人之物
非所以賜有功爵飲酒器玉爵也一升曰
爵爵人之所貴者言鄭伯以其父得賜不
如驪公爲是始惡於王積而成怨僖二十
四年遂執王使並正義

二十二年翹翹車乘招我以弓

翹翹遠貌

召南疏

臣卜其晝未卜其夜 臣將享君必卜之示

敬慎也

小雅疏

五世其昌並於正卿 言完後五世與卿並

列

陳杞世家注

風行而著於土 巽在坤上故爲著土也一

日巽爲風復爲木風吹木實落去更生他

土而長育是爲在異國

正義

三十諸侯有王王有巡狩 有王朝於王王

有巡守非是君不舉矣

秋官疏

四十鄭有厲宣之親 鄭宣王母弟

鄭風疏

二十六年夫不惡女乎 夫謂大子也

正義

二十八年大無麥禾 陰陽不和土氣不養故禾

麥不成

臧孫辰告糴于齊 不言如重穀急辭以其

情急於糴故不言如齊告糴乞師則情緩於穀故云如楚乞師

三十一年 鬬射師諫則執而梏之 射師若敖子

鬬班也

正義

冬遇于魯濟謀山戎也 山戎北狄名今鮮

卑也

齊世家注

三十故有得神以興 虞舜祖考來格鳳皇

來儀百獸率舞

正義

割臂盟公 割其臂以與公盟

圉人犂 圉人掌養馬者犂其名也

能投蓋于稷門 能投千鈞之重過門之上

使鉞季酖之 酖烏名

成季奔陳 季友內知慶父之情力不能誅

故避其難出奔

並魯世家注

立閔公 閔公於是年八歲

閔公元年 因重固 重不可動因其不可動而堅

固之

以滅耿滅霍滅魏 三國皆姬姓魏在晉之
蒲坂河東也

分之都城而位以卿先爲之極 邑有先君
之主曰都極言其祿位極盡於此也

萬盈數也魏大名也以是始賞天啟之矣

數從一至萬爲滿魏喻巍巍高大也以魏

賞畢萬是爲天開其福

筮仕于晉 畢萬在周筮仕于晉

竝正義

號公敗犬戎于渭汭

服本作渭隊

隊謂汭也

小經仕

夫人姜氏孫于邾 文姜殺夫罪重故去姜

氏哀姜殺子罪輕故不去姜氏

公傳奪卜齋田公不禁公卽位時年九歲

正義曰閔公之年歲傳文不明服虔於莊二十二年注云閔公於是年九歲於僖二

年注云閔公此時年九歲

李氏亡則魯不昌 謂季友出奔魯弑二君

有乘軒者 車有藩曰軒

並正義

惠公之卽位也少齊人使昭伯烝于宣姜

昭伯衛宣公之長子伋之庶兄上淫曰烝
宣姜宣公夫人惠公之母

許穆夫人賦載馳 載馳五章屬鄘風許夫

人閔衛滅戴公失國欲馳驅而唁之故作
以自痛國小力不能救在禮婦人父母旣
沒不得寧兄弟於是許人不嘉故賦二章

以喻思不遠也許人尤之遂賦三章以卒章非許人不聽遂賦四章言我遂往無我

有尤也

竝鄭風疏

歸夫人魚軒

魚獸名

小雅疏

三十兩

重牢也

正義

晉侯使太子申生伐東山臯落氏 臯落氏

赤翟之都也

水經注

以朝夕視君膳者也

厨膳飲食

有守則從從曰撫軍

有代太子守則從之

助君撫循軍士

並晉世家注

君其舍之 置申生勿使將兵也

不對而退 里克不對

公衣之偏衣佩之金玦 偏衣偏褰之衣偏

異色駁不純褰在中左右各異故曰偏衣

金玦以金爲玦也

晉世家注

是服也狂夫阻之 阻止也方相之士蒙京

衣朱裳主索室中毆疫號之爲狂夫止此

服言君與大子以狂夫所止服衣之

正義

與其危身以速罪也 速召也疾也言天子
不去自必危疾召罪狐突知其亂本既成
而太子拘於一節不達至孝之義與臯落
雖戰勝而歸猶不能免於難而使父有悖
惑於子之罪故傳備衆賢之言以迹太子
所以死也

御覽

衛文公大布之衣大帛之冠 戴公卒在此

年

鄘風疏

僖公 元公敗邾師于偃虛 虛魯邑

魯有亂邾使兵戍虛正魯與邾無怨因兵將還要而敗之所以惡僖公也邾之與魯本無怨惡僖公奔邾則爲之外主國亂則戍其內邑無故而敗其師亡信背義莫斯之甚非僖公作頌之主所當行也

年二冀爲不道入自顛軫伐鄭三門謂冀伐

晉也

郡國志注引服虔云鄭晉別都也

冀之旣病則亦唯君故謂虞助晉也將欲

假道稱前恩以誘之

竝正義

滅下陽 下陽號邑也在大陽東三十里城

南

水經注

年四楚屈完來盟于師 言來者外楚也嫌楚

無罪言來楚以外之

正義

蔡潰 民逃其上曰潰

齊世家注

唯是風馬牛不相及也 風放也牝牡相誘

謂之風尙書稱馬牛其風此言風馬牛謂

馬牛風逸牝牡相誘蓋是末界之微事言

此事不相及故以取喻不相于也

正義

昔召康公 召公奭也

齊世家注

五侯九伯女實征之

五侯公侯伯子男

伯九州之長大公爲王官之伯掌司馬職

以九伐之法征討邦國故得征之

鄧風疏

東至于海西至于河南至于穆陵北至于無

棣 是大公始受齊土地疆境所至也

昭王南征而不復寡人是問 周昭王南巡

狩涉漢未濟船解而溺昭王王室諱之不

以赴諸侯不知其故故桓公以爲辭責問

服虔左傳解詁

楚也

並齊世家注

楚國方城以爲城漢水以爲池 方城山也

漢水名皆楚之隘塞耳

商頌疏○齊世家注引服虔云方城

山在漢南

且其繇曰 繇抽也抽出吉凶也

周易釋文

大子祭于曲沃 齊姜廟所在

晉世家注

遂登觀臺以望 人君入大廟視朔告朔

天子曰靈臺諸侯曰觀臺在明堂之中

王

疏

凡分至啟閉必書雲物爲備故也 分謂春

秋分至謂冬至夏至啟立春夏至陽氣用事
爲啟閉立秋冬也陰氣用事爲閉雲五雲
也物風氣日月星辰也分至啟閉天地之
大節陰陽之分也故遂登觀臺望氣以審
妖祥變亂之氣先見于八節審其雲物之
形言其所致務爲之備也

春官疏

狐裘龍茸一國三公吾誰適從 危律以言

亂貌三公言君與二公子將敵故不知所

從

披斬其袪

祛袖也

故晉世家注

會于首止

首止近鄭之地

鄭世家注

輔車相依

輔上頷車也與牙相依

衛風疏

其愛之也

服本其作甚

愛之甚

正義

人不易物惟德繫物

繫發聲也言黍稷牲

玉不易無德薦之則不見享有德則見享

言物爲有德用也

大雅疏

均服振振

均同也

春官疏○文選注引作均服云均服異服之

或屬
付無

而修虞祀

虞所祭祀命祀也

晉世家注

七年子華由是得罪於鄭 鄭伯罪之也

八年狄伐晉報采桑之役也 采桑翟邲

晉世家注

不薨于寢不殯于廟 不薨於寢寢謂小寢

不殯於廟廟謂殯宮鬼神所在謂之廟

檀弓

疏

則弗致也 言諸侯夫人有罪不以禮終不

當致

春官疏

九年王使宰孔賜齊侯胙 胙膳肉周禮以脰

膳之禮親兄弟之國不以賜異姓尊齊侯

客之若先代之後

秋官疏

以伯舅耄老 七十曰耄

射義疏

及高粱而還 高粱晉地

齊世家注

十一年子弑二君與一大夫 奚齊卓子苟息也

狐突適下國 晉所滅國以爲下邑一曰曲

沃有宗廟故謂之國在絳下故曰下國

余得請於帝矣 帝天請罰有罪

並晉世家注

七輿大夫 上軍之輿師七人屬申生者襄

二十三年下軍輿師七人往前申生將上

軍今七輿大夫爲申生報怨欒盈將下軍

故七輿大夫與欒氏

正義

十二年齊侯使管夷吾平戎于王 戎伐周晉

伐戎救周故和也

陪臣敢辭 陪重也諸侯之臣於天子故曰

陪臣

並周本紀注

謂百里與諸乎

百里秦大夫

晉世家注

服虔左傳解詁

三

十四年八月辛卯沙鹿崩沙山名鹿山足林

屬於山曰鹿

正義

號射惠公舅

十五年公曰不孫孫順也

步陽御戎家僕徒爲右二子晉大夫也

輅秦伯輅迎也

並晉世家注

晉於是乎作爰田爰易也賞衆以田易其

疆畔

士刳羊亦無益也女承筐亦無貺也離爲

火兵兌爲羊震變爲離是用兵刺羊之象也三至五有坎象坎爲血血在羊上故刺無血也震爲竹竹爲筐震變爲離離爲火火動而上其施不下故筐無實也

鄰責言不可償也三至五爲坎坎爲月月生西方故爲西鄰坎爲水兌爲澤澤聚水故坎責之澤澤償水則竭故責言不可償

歸妹之睽猶無相也兌爲金離爲火金火

服虔左傳解詁

相遇而相害故無助也

爲雷爲火爲羸敗姬 離爲日爲火秦嬴姓
水位三至五有坎象水勝火故爲羸敗姬
車說其輓火焚其旗不利行師敗于宗上
五至三有坎爲水象震爲車車得水而脫
其輓也震爲龍龍爲諸侯旗離之震故火
焚其旗也震東方木兌西方金木遇金必
敗韓有先君之宗廟故曰宗上

寇張之弧

坎爲寇爲弓故曰寇張之弧

此一役也 一役者謂韓戰之役正義

箕子 紂之庶兄宋世家索隱

十六年 君失問 鵠退風咎君行所致非吉凶

所從生襄公不問已行何失而致此變但問吉凶焉在以爲石隕鵠退吉凶所從而

生故云君失問正義

十七年 故名男曰圉女曰妾 圉人掌養馬臣

之賤者不聘曰妾晉世家注

齊侯好內 內婦官也

因內寵以殺羣吏 內寵如夫人者六人羣

吏諸大夫也

並齊世家注

二十凡啟塞從時 閭扇所以開鍵閉所以

塞月令仲春修閭扇孟冬修鍵閉從時從

此時也

二十修城郭 國家凶荒則無道之國乘而

加兵故修城郭爲守備也

並正義

二十寡君之使婢子侍執巾櫛 曲禮云世

婦以下自稱婢子婢子婦人之卑稱也

晉書

家

齊侯伐宋圍緡以討其不與盟于齊也

魯僖公十九年諸侯盟于齊以無忘桓

公之德宋襄公欲行霸道不與盟故伐之

齊世家注

策名委質 古者始仕必先書其名於策委

死之質於君然後爲臣示必死節於其君

也 仲尼弟子列傳索隱

司空季子 胥臣曰季也 齊世家注

齊桓公妻之有馬二十乘 八十匹也

宋世家注

公子懼降服而囚 申意於楚子伸於知已
降服於懷嬴屈於不知已

二十四年臣負驕綏從君巡於天下 一曰犬繼

曰繼古者行則有犬

竝正義正

軍于郇 郇國在解縣東郇瑕氏之虛也

水經

注

上下相蒙 蒙欺也

晉世家注

又怨襄王之與衛滑也 滑小國近鄭世世

履從前更違叛鄭師伐之聽命後自遷

王王以與衛

富辰諫曰 富辰周大夫

並周本紀注

召穆公 召康公十六世孫

大雅疏

爲王卿士

小雅疏

王遂出及坎飲

坎飲鞏東邑名也

水經

二十五年遇黃帝戰于阪泉之兆

阪泉地名

五帝

本紀注

三月甲辰次于陽樊

陽樊周地陽邑名也

讀虞左傳解詁

樊仲山甫之所居故曰陽樊

晉世家注

衛子莒慶盟于洮 時先君已葬成公猶稱

子者明不失子道

曲禮疏

二十六年 公使展喜犒師 以師枯槁故饋之飮

食勞苦謂之勞也

室如縣罄 言室屋皆發撤榱桷在如縣罄

竝正

義

夔子不祀祝融與鬻熊 夔楚熊渠之孫熊

摯之後夔在巫山之陽秭歸鄉

楚世家注

二十八年還自南河濟 南河濟南之東南流河

也

衛世家注

衛侯出居于襄牛 襄牛衛地也

晉世家注

願以閒執讒慝之口 子王非敢求有大功

但爲執薦賈讒慝之口 謂子玉過三百乘

不能入也

同上

楚子伏已而監其腦 如俗語相罵云噍女

腦矣

正義

作王宮于踐土 旣敗楚師襄王自往臨踐

土賜命晉侯晉侯聞而爲之作宮

駟介百乘徒兵千 駟介駟馬被甲也徒兵

步卒也

並晉世家注

出入三覲 出入猶去來也從來至去凡三

見王上公廟中將幣三享王禮再裸而酢

饗禮九獻食禮九舉三勞三問出入三覲

爲行此禮

秋官疏

王子虎盟諸侯于王庭

王庭踐土也

晉世家注

楚子玉自爲瓊弁玉纓

謂馬飾

王制疏

天王狩于河陽 河陽溫也

水經注

晉侯作三行以禦敵 辟天子六軍故謂之

三行也

晉世家注

二十九年介葛盧聞牛鳴曰是生三犧皆用之矣

言八律之音聽禽獸之鳴則知其嗜欲

三十三年請無與圍鄭許之 晉善蘭不忘本國

故也

饗有昌歆白黑形鹽 昌歆昌本之菹

鹽虎形

尅形

並天官疏

周書卷之八

東門襄仲將聘于周遂初聘于晉先聘晉

後聘周

三十一年猶三望三望分野之星國中山川

三十三年秦師輕而無禮無禮謂過天子門橐

甲束兵而但免冑

並正義

唯是脯資餼牽竭矣

腥曰餼

聘禮疏○又聘義疏引服

虔注作死曰餼

遂墨以葬文公

非禮也

晉世家注

夫人請之

夫人秦繆公女

秦本紀注

文夫人斂而葬之鄆城之下 鄆城故鄆國

之墟

鄭風疏

特祀於主烝嘗禘於廟 特祀於主謂在寢

烝嘗禘於廟者三年喪畢遭烝嘗則行祭

皆于廟焉

上虞禮疏

文公元年蠡目而射聲忍人也 言忍爲不義

能事諸乎 若立職子能事之

能行大事乎

謂弑君也

並楚世家

二年不登於明堂 明堂祖廟也

王深

故禹不先鯀湯不先契文武不先不窋周

家祖后稷以配天明不可先也故言不先

不窋禹湯異代之王故言不先鯀契也正義

二年取王官及郊此晉地不能有奏本

紀注

四年晉侯伐秦圍祁新城以報王官之役秦

新邑所作城也晉世家注

旅弓矢于旅弓以射甲革椹質矢千則弓

十小雅疏

五年王使榮叔來含目贈含贈當異人今一

人兼兩使故書且以譏之

正義

不祀忽諸

諸語辭

都風疏

六年晉蒐于夷舍二軍使射姑代先且居趙

盾代趙衰也箕鄭將上軍林父佐也先蔑將下軍先都佐也故蒐于董趙盾將中軍

射姑奔狄先克代佐中軍

正義

以子車氏三子奄息仲行鍼虎爲殉子車

秦大夫氏也殺人以葬璇環其左右曰殉

秦風

疏

爲之律度 鳧氏爲鐘各自計律倍而半之

黃鐘之管長九寸

正義

晉人以難故欲立長君 晉國數有患難也

晉世家注

難必抒矣

服本作舒

舒緩也

正義

辰嬴嬖於二君 辰嬴懷嬴也二君懷公文

公也

班在九人

班次也

並晉世家注

文公之入也無衛 衛從兵也

將焉寘此

寘置也此大子也

音世家注

子也才吾受子之賜不才吾惟子之怨

如子爲善教誨此子使之有賢才知人君之道也則吾受子之賜賜猶惠也才而受賜美其教也不才怨子惡其教不至也

今君雖終言猶在耳 君沒未久而言弊語氣尙在耳

宣子與諸大夫皆患穆嬴且畏偏 患穆嬴以君顧命之言責已也畏他公子相逼迫

也並御覽

正德利用厚生 正德人德利用地德厚生

天德

春官疏

十一 且言司城蕩意諸而復之 反不書者
施而不德

鄭厲侵齊

伐我不書諱之

並正義

冬一月甲午敗翟于鹹 鹹魯地也

富父終甥搯其喉以戈殺之 富父終甥魯

大夫搯猶衝也

以命宣伯 宣伯叔孫得臣子喬如也得臣
獲喬如以名其子使後世旌識其功

初宋武公之世鄭瞞伐宋 武公周平王時

在春秋前二十五年鄭瞞長翟國名並舊世家

注

獲長狄緣斯皇父之二子死焉 不言所埋

埋其身首同處於戰地可知殺緣斯者未

必三子之手士卒獲之正義

衛人獲其季弟簡如 獲與喬如同時魯定公注

十二年邠人立君立君改立君不問天子也
太子以夫鐘與邠邠來奔邠邠邠邠之家
寶三太子以其國寶與地夫鐘來奔也
秦伯伐晉取羈馬晉邑也

以從秦師於河曲

河曲晉地

並秦本紀注

若使輕者肆焉

肆突言使輕銳之兵往驪

突晉軍

夏官

能賤而有恥

謂能處賤且又知恥言

不為汗羞義正

魏壽餘

晉之魏邑大夫

素本紀注

乃行繞朝贈之以策

繞朝以策書贈士會

正義正

大室之屋壞

太廟之室

明堂位疏

十四年

齊人執子叔姬

子叔姬者子殺身執

閔之故言子爲在室辭

十五年

宋司馬華孫貴之也

華耦爲卿侈而

不度以君命修好結盟舉其官屬從之空

官廢職魯人不知其非反尊貴之其意以

爲貴之者魯人貴之非君子貴

補刊並正義

史佚有言 史佚周成王太史

玉藻疏

一人門於句蠅一人門於戾工 魯國中小

寇非異國侵伐故不書也

正義正

十六年 分爲二隊 隊部也

文選注

公子鮑美而豔襄公夫人欲通之而不可

襄公夫人周襄王之姊王姬也不可鮑不

肯也

宋世家注

十七年 齊侯伐我北鄙 再來伐魯西鄙書北

鄙不書諱仍見伐

寡君又朝以藏陳事 藏赦也

鹿死不擇音 鹿得美草呦呦相呼至於困

迫將死不暇復擇善音急之至也

並正義

周甘歆敗戎于邠垂 邠垂在高都南

水經注

十八年襄仲欲立之叔仲不可 襄仲公于遂

叔仲惠伯

魯世家注

在九刑不忘 正刑一議刑八

蒼舒隕斃檣戢大臨龙降庭堅仲容叔達

八人禹垂之屬也

服讒蒐慝以誣盛德

服本蒐慝作隱
慝盛德作成德

隱慝

謂陰隱爲惡也成德謂成就其德故爲賢

人也

並正義

少皞氏 金天氏帝號

謂之窮奇

謂共工氏也其行窮而好奇

並五

帝本紀注

緡雲氏有不才子

夏官爲緡雲氏

正義

以禦魍魎

魍山神獸形或曰如虎而噉虎

魅人面獸身四足好惑人山林異氣所生

爲人害也

春官疏

公遂以夫人婦姜至自齊 古者一禮不

備貞女不從故詩云雖速我訟亦不女從
宣公旣以喪娶夫人從亦非禮故不稱氏
見畧賤之也

楚子侵陳遂侵宋晉趙盾帥師救陳宋 趙

盾旣救陳而楚師侵宋趙盾欲救宋而楚

師解去

並正義

楚為賈救鄭遇於北林

北林鄭南地也

注

囚晉解揚

解揚晉大夫

晉世家注

二見叔牂曰子之馬然也對曰非馬也其人

也賈逵云叔牂宋守門大夫華元既見

叔牂牂謂華元曰子見獲於鄭者是由子

之馬使然也華元對曰非馬自奔也其人

為之也鄭衆云叔牂即羊斟也在先得歸

華元見叔牂牂即誣之曰奔入鄭軍者子

之馬然也非我也華元對曰非馬也其人
也又一說叔牂宋人見宋以馬贖華元謂
元以贖得歸謂元曰子之得來當以馬贖
故然華元曰非馬也其人也

正義曰服虔
載三說皆以

子之馬然爲叔牂之語對曰
以下爲華元之辭杜不從

于思于思

白頭貌

小雅疏、左
傳疏作賈注

宰夫膾熊蹯不熟

蹯熊掌其肉難熟

晉世
家注

遂扶以下公嗾夫犬焉

釋文扶服本作蹠注
云徒蹠也嗾作嘔

趙盾徒跣而下走嗾嘔也夫詈辭蹠犬

服虔左傳解詁

名公乃嗾夫獒使之噬盾也

正義

臣三年矣

宦學也學職事爲官也

曲禮疏

問其名居不告而退 不望報也

爲法受惡

聞義則服

並晉世家注

誼無畜羣公子

驪姬與獻公及諸大夫訓

無畜羣公子欲令其二子專國

正義

乃官卿之適子而爲之田以爲公族

公族

大夫也

晉世家注

通盾爲旄車之族

旄車戎車之族

魏風

楚子伐陸渾之戎遂至於雒觀兵於周疆

陸渾戎在雒西南也觀兵陳兵於周也

定王使王孫滿勞楚子以郊勞禮迎之也

貢金九牧

使九州之牧貢金

並楚世家注

螭魅罔兩

服本作魍魎

螭山神獸形魅怪物魍

魎木石之怪

春官疏

文公報鄭子之妃

鄭子文公叔父子儀也

報復也淫親屬之妻曰報漢律淫季父之

妻曰報

邶風疏

四子公之食指動 食指第二指 鄭世俗所

謂捷鹽指也

正義

以貫笠轂 笠轂轂之蓋如笠所以蔽轂上

以禦矢也 一曰車轂上鐵也或曰兵車旁

幔輪謂之笠轂

十一 年 令尹蔣艾獵城沂 艾獵蔣賈之子孫

叔敖也

並正義

使封人應事

封人司徒之屬

夏官疏

之夏州

言取討夏徵舒之州

地官疏

先穀佐之 先穀食禾於鉞

震而動 震聞也

文釋

周易有之在師三之臨三 坎爲水坤爲衆

又互體震爲雷雷鼓類又爲長子長子帥
衆鳴鼓巡水而行行師之象也臨兌爲澤
坤爲地居地而俯視於澤臨下之義故名
爲臨

師子尸之 此禍也易師卦六五長子帥師
弟子與尸凶長子帥師以中行也弟子與

尸使不當也佐之於元帥弟子也而專以師濟使不當也軍必破敗而輿尸

軍路藍縷

言其縷破藍藍然

並正義

其君之戎分爲二廣廣有一卒卒偏之兩

左右廣各十五乘百人爲卒言廣有一卒

爲承也五十人曰偏二十五人曰兩廣旣

有一卒爲承承有偏偏有兩故曰卒偏之

兩

夏官

左射以鼓

凡兵車之法射者在左御者在

中戈盾在右

兩馬掉鞅而還 兩飾也掉正也

射麋麗龜 龜背之隆高當心

晉魏錡求公族未得 錡魏鑣子

使輶車迎之 輶車屯守之車

楚人基之脫扃 扃橫木有橫木投於輪間

一曰扃車前橫木

鄭石制賓入楚師 入楚師使楚師來入鄭

也

並正義

十四年

公孫歸父

襄仲之子

魯世家注

十五年

高下在心

高下猶曲申也

御覽

登諸樓車

樓車所以窺望敵軍兵法所謂

雲梯也

鄭世家注

子反懼與之盟

與華元私盟許爲退師若

孟任割臂與魯莊公盟

正義

奔仲章而奪黎氏地

黎侯之國

鄆里疏

故文反正爲乏

言人反正者皆乏絕之道

也人反德則妖災生妖災生則國亡滅是

乏絕之道也

十六年

成周宣榭火

宣陽威武之處

並正義

十八年

欲去三桓以張公室

三桓魯桓公之

族仲孫叔孫季孫

使我殺適立庶以失大援者仲也夫

援助

也仲殺適立庶國政無常鄰國非之是失

大援助也

並魯世家注

成公元年

作丑甲

司馬法云九夫爲井四井爲

邑四邑爲丘有戎馬一匹牛三頭四正爲

甸甸六十四井出長轂一乘馬四匹牛十

二頭甲士三人步卒七十二人戈楯具備

謂之乘馬

小雅疏

年請曲縣繁纓以朝諸侯軒縣闕南方形

如車輿是曲也

春官疏

癸酉帥陳於鞏鞏齊地名

齊世家注

奉觴加饗以進司馬法云其有殞命以行

禮如會所用儀也若殞命則左結旗司馬

授飲右持卣壺左承飲以進

正義

且懼奔辟

辟扶亦反

釋文

盡東其畝而已 欲令齊隴畝東行

今吾子求合諸侯 數從諸侯征伐盟會

並齊

世家注

吾苟有以藉口而復於寡君 今河南俗語

治生求利少有所得皆言可用藉手矣

六年季文子以鞏之功立武宮 鞏之戰禱武

公以求勝故立其宮

並正義

沃饒而近鹽 土平有漑曰沃鹽鹽也土人

鄉俗引水裂沃麻分灌州野畦水耗竭土
自成鹽卽所謂鹽鹺也而味苦號曰鹽田

水經注

子之佐十一人 樂書將中軍荀首佐之荀

庚將上軍士變佐之卻錡將下軍趙同佐

之韓厥將新中軍趙括佐之鞏朔將新上

軍韓穿佐之荀驪將新下軍趙旃佐之

正義

七年使爲行人於吳 行人掌國賓客之禮籍

以待四方之使賓士各受小客之幣辭

吳世

家注

八年宋公使公孫壽來納幣 不稱主人母命

不通故稱使婦人無外事

武從姬氏畜於公宮 莊姬晉成公之女正義

九年季文子如晉致女 謂成昏也曾子問疏

十年晉侯夢大厲被髮及地 公明之鬼

膏之下 膏雖疑者爲脂釋者爲膏其實疑

者亦曰膏故內則云小切狼臑膏則此膏

謂連心脂膏也

十一 卻犇來聘且蒞盟 卻犇卻克從祖昆

弟

十三 寡人不佞 佞才也不才者自謙之辭

也

並正義

曹宣公卒於師 宣公曹伯盧也以魯成公

十三年會晉侯伐秦卒於師

負芻殺其太子而自立也 公子負芻在國

聞宣公卒殺太子而自立故曰不義

子臧將亡 子臧負芻庶兄

並曹世家注

五 左師二司寇二宰遂出奔楚 魚石卿

故書以爲四人非卿故不書

六 今楚內棄其民而外絕其好瀆齊盟而

食話言好時以動而疲民以逞 外絕其好

爲刑不正邪也食話言爲義不建利也疲

民以逞爲信不守物也

並正義

晉楚遇於鄢陵 鄢陵鄭之東南地也

晉世家注

皆曰國士在且厚不可當也

正義曰服虔以此皆曰之文在

州犂賁皇之下

賁皇州犂皆言曰晉楚之士皆

在君側且陳厚不可當以爲州犁言晉彊
賁皇言楚彊故云皆曰也

其卦遇復三 復反也陰盛於上陽動於下
以喻小人作亂於上聖人興道於下萬物
復萌制度復理故曰復也

射其元王中厥目 陽氣觸地射出爲射之

象

並正義

有嘉草之跗注君子也 跗謂足跗注屬也

袴而屬於跗也

春官疏

反合軍吏察夷傷 金創爲夷

正義

亘伯 叔孫喬如也

魯世家注

丁叔申伯使叔孫豹請逆於晉師 叔孫豹

先在齊此時從國佐在師聲伯令人就齊
師使豹豹不忘宗國聞白國佐爲魯請逆

宋齊衛皆失軍 失其軍糧

並正義

十七 懼不敢占也 聲伯惡瓊瑰贈死之物

故畏而不言也

秦風疏

十八 辛巳朝於武宮

服本作辛未○正義

襄公

敗其徒兵於洧上

洧水名

鄭世家注

三組甲三百

組甲以組綴甲車士服之

建一官而三物成

所舉三賢各能成其職

事

事君必辟難有罪不逃刑

謂敢斬揚干之

僕是不辟獲死之難

使佐新軍

於是魏頡卒矣使趙武將新軍

代魏頡升魏絳佐新軍代趙武也

武不可重

重猶大也言武事不可大

也

戎狄荐居 荐草也言狄人逐水草而居徙
無常處也

六年子罕善之如初 言子罕不阿同族亦逐
樂轡以正國法忠之至也及樂轡射其門
畏從華弱之罰復善樂轡如初是爲茹柔
吐剛喪其志矣傳故舉之明春秋之義善
惡俱見

九年使皇鄖命校正出馬工正出車備甲兵庀

武守 皇鄖皇父充石之後十世宗卿爲
人之子大司馬椒也車馬甲兵司馬之職
使皇鄖掌此事皇鄖必是司馬也按正主
馬於周禮爲校人是司馬之屬官也周禮
司馬之屬無主車之官巾車車僕職皆掌
車乃爲宗伯之屬昭四年傳云夫子爲司
馬與工正書服是諸侯之官司馬之屬有
工正主車也國有火災恐致姦寇故使司
馬命此二官出車馬備甲兵以防非常也

傳言庀武守者甲兵器械藏於府庫若
武庫使具其守守此武庫也此事輕於重
馬而後言之

並正義

以出內火 火出於夏爲三月於商爲四月
於周爲五月故云以春出也季秋昏時伏
於戌火星入故云以秋入也

天官疎

闕伯居商上 商上地名

相土因之 相土契之孫因之者代闕伯之
後居商上故湯以爲天下號

並商須疏

遇艮之八

䷳

爻在初六九三六四六五上

九惟六二不變連山歸藏之占以不變者

爲占

兼位而姣

服云姣加字○釋文

肆眚圍鄭

肆眚放鄭囚也

正義

次於陰口而還

參南曰陰口者水口也

水

注

君十五而生子冠而生子

人君禮十二

而冠

以先君之祧處之 曾祖之廟曰祧者以魯

襄公於時冠於衛成公之廟成公是衛今

君之曾祖曰祧也

祭法疏

且要盟無質神弗臨也 質誠也無忠誠之

信故神弗臨也

十年會吳子壽夢也 壽夢發聲吳蠻夷言多

發聲數語共成一言壽夢一言也經言乘

傳言壽欲使學者知之也

並正義

其將不免乎 免脫也言將不脫罪禍不以

壽終也傳舉此者爲十九年齊殺其大夫
高厚二十五年崔杼弑其君光起本也
人紇扶之以出門者 扶掖也謂以木
扶縣門使舉令下容人出也門者下屬爲
句

親受矢石 古者以石爲箭鏑國語云有集
集於陳侯之庭楷矢貫之石弩是也

楚子囊鄭子耳伐我西鄙 不書諱從晉不
能服鄭旋復爲楚鄭所伐恥而諱之也

子孔當國爲載書以位序聽政辟鄭舊世

卿父死子代今子孔欲擅改之使以次先

爲士大夫乃至卿也

並正義

十一同盟於亳城北

服本作京城北○公羊疏

司慎司盟二司天神司盟司慎不敬者二

司察盟者

覲禮疏

七姓十二國之祖晉主盟不自數

鄭人賂晉侯以師悝師觸師蠲三師鐘師

鐻磬師悝能鐘觸能鐻蠲能磬也

廣車軌車 軌車屯守之車也

八年之中九合諸侯 八年從四年以來至
十一年也九合諸侯五年會於戚一也其
年又會於城棣救陳二也七年會於鄆三
也八年會於邢四也九年會於戲五也
十年會於相六也又成鄭虎牢七也十一
年同盟於亳城北八也又會於蕭魚九也

並正義○晉世家注
引此文無上十餘字

平平左右

服本作本
平左右

平平辨治不絕之貌

年三不猶愈乎 愈猶病愈也

年十四不獲成焉 不得成戰陳之事

義並王

衛獻公戒孫文子甯惠子食皆服而朝日吁
不召 孫文子林父也甯惠子甯殖也勅或
二子欲其宴食皆服朝衣待命吁晏也

二子從之 從公於圉

孫文子如戚 戚孫文子邑也

並衛世家注

野人執之 執追公徒者公如鄆故野人爲

公執之也

正義

射兩鞬而還 鞬車輓也兩鞬兩邊又馬頸

秦風

王室之不壞絜伯舅是賴

釋文壞服本作懷

懷柔

也絜蒙也賴恃也王室之不懷柔諸侯恃

蒙齊桓之匡正也

正義

行歸於周萬民所望

逸詩也

正義云都人士首章有之

禮記注亦言毛詩有之今韓詩實無此首張時三家別於學官毛詩不得立故服以

爲逸

十五年 屈蕩爲連尹 連尹射官言射相連屬

也

正義

富而後使復其所 富賣下得富

天官疏

十六年 戊寅大天盟 穀梁云不曰諸侯之大

夫大夫不臣也言惡大夫專而君失權也

正義

十七年 齊人獲臧堅齊侯使夙沙衛唁之 弔

生日唁以生見獲故唁之

衛風疏

拜君之辱抑君賜不終 言君義已故來唁

之是惠賜也謂已無死不以義望已是不終也

不如蓋之 蓋覆蓋之也言左師無鷹鷂之志而蓋不義之人故尤之

左師爲已短策 策馬捶也自爲短策過華臣之門助御者擊馬而馳惡之甚也必爲短策者私助御者不欲使人知也

並正義

十八年 吾驟歌北風又歌南風南風不競多死

聲 北風夾鍾無射以北南風姑洗南呂

以南

正義曰服虔以爲非西以南律呂爲北風以南爲南風

氣不交故死聲多吹律而言歌與風者出聲曰歌以律是候氣之管氣則風也故言

歌風

春官疏

十九年

顏懿姬無子其姪驪聲姬生光以爲太

子

兄子曰姪顏驪皆二姬母姓因以爲

號懿聲皆諡傳家從後言之故舉諡也

諸子仲子戎子

諸子諸妾姓子者仲子戎

子皆宋女

屬諸戎子

戎子子牙養母

廢常不祥

立嫡爲常立而廢之爲不祥也

問諸侯難

間犯爲光已列於諸侯難成

是專黜諸侯

專獨也光比於諸侯列於會

盟不可黜也

而以難犯不祥也

以難成之事犯不善

崔杼微逆光

微隱匿也

疾病而立之

立爲太子

並御覽

婦人無刑

婦人從人者也故不爲制刑及

犯惡從男子之刑也

正義

問守備焉以無備告揖之乃登齊欲誅衛
呼而下與之言因可取之無爲揖之復令
登城彭仲博以爲齊侯號衛衛慙而下問
守備焉問衛之守高堂者衛無恩信故令
守者以無備告齊侯善其言故揖之乃命
士卒登城此說近之

二十一年子盍詰盜○盍何不也

二十二年臧武仲如晉武仲非卿故不書

民國甲戌報復左專解道

五三江都朱氏

若不恤其患而以爲口實 口實謂譴讓也

並正

義

楚觀起有寵於令尹子南 子南公子追舒

秋官

疏

二十三年禮爲鄰國闕 鄰國尙爲之闕樂况舅

甥之親乎

聘禮疏

君子謂慶氏不義不可肆也 傳發此言爲

不書慶氏以陳叛爲楚所圍稱國以殺不

成惡人肆其志也

唯魏氏及七輿大夫與之 下軍與帥七人
欒魴傷欒盈奔曲沃 魴盈之子

啟牢成御襄罷師狼遽疏爲右 司馬法曰
大前驅啟乘車大晨倅車屬焉

張武軍於熒庭 張設旗鼓也

趙勝帥東陽之師以追之 東陽魯邑

並正義

美疾不如惡石 惡石砭石也

夫石猶生我 夫謂孟孫也

正義

毋或如東門遂不聽公命殺適立庶 東門

遂襄仲也居東門故稱東門遂

魯世家注

猶有先人之敝廬在下

服虔以下從上讀

言敝廬

在下

作不順而施不怨也不順謂阿季氏廢長

立少也不怨謂惡孟氏立庶也

二十四年

太上有立德其次有立功其次有立言

立德伏犧神農也立功禹稷也立言史

佚周任臧文仲也

象有齒以焚其身

焚讀曰僨僨僵也爲生

齒牙僵仆其身

部婁無松柏 喻小國無賢才智勇之人而
與大國等也

二十五年遇困三之大過三史皆曰吉 皆二卦

妄也

並正義

乃爲崔子間公 伺公間隙

公拊楹而歌 公以爲姜氏不知已在外故
歌以命之也 一日公自知見欺恐不得出
故歌以自悔

民國甲戌 服虔左傳解詁

五 江都朱氏
補刊

不能聽命 言不能親聽公命

近於東宮 崔杼之宮近公宮淫者或作稱

公

並齊世家注

陪臣干掇

釋文服本干如字掇作諏

一曰干扞也諏謀

也言受崔子命扞禦謀淫之人

正義

故君爲社稷死則死之爲社稷亡則亡之

謂以公義爲社稷死亡也如是者臣亦隨

之死亡

若爲已死而爲已亡非其私暱誰敢任之

言君自以已之私欲取死亡之禍則私近
之臣所當任也

舍之得民

置之所以得人心

正齊世家注

執簡以往

古文篆書一簡八字

聘禮疏

下車七乘

下車遣車也

正義

上公饗餼七牢

遣車九乘

檀弓疏

祝被社司徒致民司馬致節司空致地乃還

祝與司徒等皆是陳人各致其所主於

子產

武也知楚令尹 令尹屈建也

並正義

當陳隧者并堙木刊 堙塞也刊削也

魯頌疏

二十六年辛卯殺子叔及太子角 殺太子角不

書舉重者

專祿以周旋戮也 專祿謂以戚叛也既叛

衛亦不臣於晉自謂若小國是爲專祿

並正義

義

賜子產次路再命之服先六邑 四井爲邑

鄭世

家注

取衛西鄙懿氏六十以與孫氏 六十邑

晉侯賦嘉樂 晉侯自嘉樂愚之甚也

並正義

赤而毛 其身色赤而生毛也

平公入夕 視夕也

而視之尤 尤過也意悅之視之過久

姬納諸御 納之平公之御

嬖生佐惡而婉太子痤美而很 婉順也佐

貌惡心順太子貌美而心很很戾不從教

寺人惠牆伊戾 寺人宋閹士惠牆皆發聲

服虔左傳解詁

補刊

實爲伊戾

左傳疏引作惠伊皆發聲實爲牆戾

以公寺人爲

太子內師掌內官

楚客聘於晉過宋

楚客道過宋

不惡女乎

夫謂太子伊戾無寵於太子

故曰夫不惡女

有其外莫共其內

言我內師也當共

內使

加書徵之

以書爲之徵驗也書盟書

對曰欲速

速疾也欲疾代公得位故與楚

客謀弑其父也

則皆曰固聞之 固人也久聞太子欲爲亂
唯佐也能免我 佐內惡而外婉太子不知
而謂其能免我實不然也

左師聞之 聞太子與佐期日中

乃縊而死 經書宋公殺其世子痤平公用

伊戾之譖信夫人左師之言世子無罪而

死故稱宋公殺罪之也

並御覽

以登其城克而取之 取魯高魚及反之皆

服虔左傳解詁

不書蓋諱之

二十七年公喪之如稅服終身

釋文稅服音吐外反

衰麻

已除日月已過乃聞喪而服是爲稅服之輕者

仲尼使舉是禮也以爲多文辭以爲多文辭故特舉而用之後世謂之孔氏聘辭以孔氏有其辭故傳不復載也

伯夙謂趙孟伯夙晉大夫

既不書其族言違命也叔孫欲專晉一不

爲人私雖以違命見貶其於尊國之義
之

趙孟爲客 楚君恒以大夫爲賓者大夫與
雖尊之猶遠君也楚先歆爲盟主故尊趙
孟爲客

宣其光輔五君以爲盟主也 文公爲戎右
襄靈爲大夫成公爲卿景公爲大傅也

請免死之邑 向戌自以止兵民不戰鬪自
矜其功故求免死之賞也

並正義

以誣道蔽諸侯

釋文蔽服本
作弊婢世反

弊路也一曰

罷也

二十八年以有時苗陰不堪陽

歲爲陽亥陽爲

陰歲乘陰進至亥楊陰不勝陽故溫無冰

楚不幾十年未能恤諸侯也

此行也楚康

王卒至昭四年楚靈王合諸侯於申距今

八年故曰不幾十年

舍不爲壇

服本
作壇

除地爲壇

並正
義

慶舍蒞事

舍慶封之子也生傳其職政與

子齊世
家注

吳句餘予之朱方 句餘餘祭也

二十祇見疏也 祇適也

並正義

榮成伯賦式微 言君用中國之道疏

疏風

不尙取之 不尙尙也尙當取女叔侯殺之

毋寧夫人而焉用老臣 毋寧寧也寧自取

夫人將焉用老臣乎

吳公子札來聘 夷末新卽位使來通聘

並正義

義

請觀於周樂

周樂魯所受四代之樂也

世吳

注家

始基之矣猶未也

未有雅頌之成功

周南

爲之歌邶鄘衛

邶在紂都之西

邶風疏○又引地理

志云武王崩三監叛周公誅之盡以其地封弟康叔號曰孟侯遷邶鄘之民於洛邑故邶鄘衛三國之詩相與同風如志之言則康叔初卽兼彼二國非子孫矣服虔依

詩以爲

爲之歌王

王室當在雅衰微而列在風故

國人猶尊之故稱王猶春秋之王人也

周之東乎

平王東遷雒邑

董異世
宋注

爲之歌鄭

鄭東鄭古檜國之地

鄭風
珠

其細已甚民弗堪也

其風細弱已甚攝於

大國之間無遠慮持久之風故曰民弗堪

將先亡也

美哉泱泱乎大風也哉

泱泱舒緩深遠有

太和之意其詩風刺辭約而義微體疏而

不切故曰大風

既未可量也

國之興衰世數長短未可量

也

並吳世家注

此之謂夏聲 秦仲始有車馬禮樂之好侍
御之臣戎車駟牡田狩之事其孫襄公列
為秦伯故有兼葭蒼蒼之歌終南之詩追
錄先人車鄰駟鐵小戎之歌與諸夏同風
故曰夏聲

秦風

自鄆以下無譏焉

鄆以下及曹風也其國

小無所刺譏

吳世

檜是陸終第四子求言

後

杕風

爲之歌小雅

自鹿鳴至菁菁者莪道文武

修小政定大亂致太平樂且有儀是爲正

小雅

小雅

其周德之衰乎

此歎變小雅也其意言思

上世之明聖而不貳於當時之王怨當時
之政而不有背叛之志也其周德之衰微

乎疑其幽厲之政也

正義

爲之歌大雅

陳文王之德武王之功自文

王以下至鳧鷖是爲正大雅

大雅

遷而不淫

遷徙也文王徙鄴武王又徙鄴

吳世家注

見舞象箛南籥者

象文王之樂舞象也箛

舞曲名言天下樂削去無道

周頌疏

美哉猶有憾

憾恨也恨不及已以伐紂而

致太平也

而猶有慙德

慙於始伐而無聖佐故曰聖

人之難也

美哉勤而不德

禹勤其身以治水上也

舞韶箎者曰德至矣哉大矣 韶箎有虞氏之樂大韶也至帝王之道極於器也盡美盡善也

若有他樂吾不敢請已 周用六代之樂堯曰咸池黃帝曰雲門魯受四代下周二等故不舞其二季札知之故曰有他樂吾不敢請

子速納邑與政 入邑與政職於公不與國家之事

慎之以禮 禮所以經國家利社稷也

聞鐘聲焉 孫文子鼓鐘作樂也

辯而不德必加於戮 辯若鬪辯也夫以辯

爭不以德居之必加於刑戮也

終身不聽琴瑟 聞義而改也琴瑟不聽况

於鐘鼓乎

晉國其萃於三族乎 言晉國之祥將集於

三家

吾子好直 直不能曲撓以從衆

並吳世家注

三十
年穆叔問王子之爲政如何

釋文服本作問王子闕之

爲政

王子楚令尹王子圍也

吏走問諸朝吏不知厯數故走問於卿大夫

而廢其輿尉輿尉軍尉主發衆使民

鳥鳴於亳社殷宋之祖也故鳴其社伯姬

魯女欲使魯往悟伯姬也

甲午宋大災宋伯姬卒經不書大非災火

及人伯姬坐而待之耳

大夫敖

釋文服本作放

言大夫淫放

並正義

三十一年立敬歸之娣齊歸之子公子稠歸

姓之國也齊諡也

有母弟則立之無則立長 無母弟則立庶

子之長

猶有童心 言無成人之志而有童子之心

並魯世家注

以贏諸侯

服護爲盈

盈受也

延州來季子其果立乎 延延陵也州來邑

名季子讓王位升延陵爲大夫食邑州來
傳家通言之

令尹似君矣 言令尹動作以君儀故云似

君矣

並正義

昭公元年公圍布儿筵告於莊共之廟而來 莊謂

莊王圍之祖共謂共王圍之父

聘禮疏

公子圍設服離衛 二人執戈在前在國居
君離宮陳衛在門

蒲宮有前不亦可乎 蒲宮楚君離宮言令

尹在國已居君之宮出有前戈不亦可乎
吾代二子愍矣 愍憂也代伯州犂憂公子
圍代子羽憂子皙

周有徐奄 一曰魯公所代徐戎也

吾與子弁冕端委以治民臨諸侯禹之力也
禮衣端正無殺故曰端文德之衣尙褒
長故曰委

爲五陳以相離兩於前伍於後專爲右角參
爲左角偏爲前拒 司馬法云五十乘爲

兩百二十乘爲伍八十一乘爲專二十九
乘爲參二十五乘爲偏彼皆準車數多少
以爲別名此傳云車用卒而有此名則此
名不以車數爲別也

並正義

遷闕伯於商工主辰商人是因辰大火主祀商人契之先湯之始祖相土封闕伯之故地因其故國而代之

遷實沈於大夏主參 大夏在汾澮之間主

祀參星

唐人是因唐人謂劉累也

其季世曰唐叔虞叔虞邑姜所生也

並正義

當武王邑姜方震大叔邑姜武王后齊太

公之女也

晉世家注

夢帝謂曰曰武王也

正義

昔金天氏有襄子曰昧爲玄冥師生允格臺

駘金天少皞也玄冥水官也師長也昧

爲水官之長允格臺駘兄弟也臺駘能脩

昧之業

障大澤以處太原帝用嘉之 陂障其水也

太原汾水名帝顓頊也

山川之神則水旱厲疫之災於是乎祭之

祭爲營攢用幣也若有水旱則祭祭山川

之神以祈福也

並鄭世家注

勿使有所壅閉湫底以露其體 湫著也底

止也

釋文

陰陽風雨晦明也 風東方雨西方陰中央

晦北方明南方唯天陽不變

小雅

甲辰朔烝於溫 甲辰朔夏十一月朔也

正義

祭人君用孟月人臣用仲

王制疏

二年季氏有嘉樹焉宣子譽之 譽游也宣子

游其樹下夏謚曰一游一譽爲諸侯度

少姜有寵於晉侯晉侯謂之少齊 所以寵

異不與齊衆女子等齊國如此好女甚少

並正

義

晉侯使郊勞 近郊三十里

魯頌疏

三年火中寒暑乃退 火大火星也季冬十二

月平日正中在南方大寒退季夏六月黃

昏火星中大暑退

幽風疏

焜燿寡人之望 焜明也燿照也言得備妃

嬪之列照明已之意望也

正義

公聚朽蠹而三老凍餒 三老工老商老農

老也

釋文

民人痛疾而或燠休之 燠休痛其痛而念

之若今時小兒痛父母以口就之曰燠休

代其痛也

其相胡公大姬已在齊矣 相隨也

讒鼎之銘 讒鼎疾讒之鼎明堂位所云崇鼎是也 一云讒地名禹鑄九鼎於甘讒之地故曰讒鼎

子豐有勞於晉國 鄭僖公之爲太子子豐與之俱適晉

滕子

齊景亡滕

並正義

三塗

大行轅轅峭澗也

水經注

古者日在北陸而藏冰西陸朝覲而出之

天出於夏爲三於商爲四月於周爲五月
月自命夫命婦至於老疾無不受冰陸道
也北陸言在謂十二月日在危一度西陸
朝觀不言在則不在昴謂二月日在婁四
度謂春分時奎婁晨見東方而出冰天官
疏○
左傳疏引服虔云二月日在婁四度春分
之中奎始朝見東方以是時出水月令仲
春天子乃獻羔啟冰是也

朝之祿位 謂大夫以上

黑牡秬黍以享司寒 司陰之神玄冥也將

藏冰致冥氣故禮其神

並禱風

桃弧棘矢以除其災 桃所以逃凶也棘矢

者棘有箴取其名也蓋出冰之時置此弓

矢於凌室之戶所以攘除凶邪將御至尊

故慎其事爲此禮也此傳言其出之也雖

覆上文出之之文其實此出之謂二月初

出之時公將用之故設弓矢也

正義

穢無苦雨 害物之雨民所苦也

小雅疏

康有酆宮之朝 酆宮成王廟所在也

小雅疏

王曰吾用齊桓 召陵之役齊桓退舍以禮
楚靈王今感其意是以用之

寡君將墮幣焉 墮輸也言將輸受宋之幣

於宗廟

並正義

商紂爲黎之蒐 黎東夷國名也子姓

楚世家注

鄭子產作丘賦 子產作丘賦者賦此一丘

之田使之出一馬三牛復古法耳丘賦之

法不行久矣今子產復修古法民以爲貪

故誘之

正義

饗大夫以落之 釁以豕豚爲落

小雅疏

五卿喪自朝魯禮也 言卿葬三辭於朝從

朝出正門卿佐國之楨榦君之股肱必過

於朝重之也

正義

使亂大從 使亂大和順之道也

釋文

明而未融其當旦乎 融高也謂日高也

齊風

疏

享頻有璋

釋文服氏以享爲獻

小有述職大有巡功

諸侯適天子曰述職

年一會王官之伯命事考

也曹風疏

殲有口鼎 陪牛羊豕鼎故曰陪鼎

亡四族

伯華叔向叔魚季夙也

並正義

何不可之有

正義云啟疆發首言可此云何不可之有言其可也服虔云何

不可之有如是

大不識文勢

遠啟疆待命於雩婁 雩婁楚之東邑

吳世家注

年三辟之興皆叔世也 政衰爲叔世叔世

踰於季世季世不能作辟也

儀式刑文王之德曰靖四方 儀善也式用
也刑法也靖謀也言善用法文王之德曰
曰謀安四方

儀刑文王萬邦作孚 善用法者文王也言
文王善用其法故能爲萬國所信也

藏爭辟焉 鑄鼎藏爭辟故今出火與五行
之火爭明故爲災在器故稱藏也

不抽屋不强句 抽裂也言不毀裂所舍之
屋也句乞也不就人强乞也

士臣皐皐臣與與臣隸隸臣僚僚臣僕僕

臣臺 皐造也造成事也與衆也佐皐舉

衆事也隸隸屬於吏也僚勞也其勞事也

僕僕豎主藏者也臺給臺下微名也

並正義

作僕區之法 僕隱也區匿也爲隱匿亡人

之法也

釋文

對以大屈 大屈寶金可以爲劍

左傳疏引作賈逵注

一曰大屈弓名魯連書曰楚子享魯侯於

章華與之大曲之弓旣而悔之大屈殆所

謂大曲之弓

魯世家注

賜子產莒之三方鼎 鼎三足則圓四足則

方

正義

聖人之後也 聖人謂商湯

孔子世家注

其祖弗父何以有宋而授厲公 弗父何宋

湑公世子厲公之兄也以有宋言湑公之

適嗣當有宋國而讓與弟厲公也

商頌疏

及正考父 弗父何之曾孫

一命而僂再命而偃三命而俯 僂偃俯皆

恭敬之貌

並孔子家世注

歲時日月星辰是謂也 歲星之神也左行

於地十二歲而一周時四時也日十日也

月十二月也星二十八宿也辰十二辰也

是爲六物

小雅疏

孔成子

衛卿孔烝鉏也

衛世家注

入年石言於晉魏榆

魏邑也榆州里名

釋文

將往又數人告於道遂如陳氏將往者欲

到陳氏問助子良攻我意

與嬖袁克殺馬毀玉以葬 一日馬陳侯所
乘馬玉陳侯所佩玉故殺馬毀玉不欲使

楚得之

並正義

陳顓頊之族也 陳祖虞舜舜出顓頊故爲

顓頊之族

陳杞世家注

九年春叔弓宋華亥鄭游吉衛趙壓會楚子於

陳 此會宋鄭衛之大夫不書叔弓後也

蒲姑商奄 蒲姑商奄濱東海者也蒲姑齊

也商奄魯也

宣王說王有姻喪 婦之父曰姻王之后喪
父於王亦有服義故往弔

夏四月陳災 愍陳不與楚故存陳而書之
言陳尙爲國也

火水妃也 火離也水坎也易卦離爲中女
坎爲中男故火爲水妃也

並正義

使荀躒佐下軍以說焉 荀躒知文子

趙世家注

孟僖子如齊殷聘禮也 殷中也自襄二十
年叔老聘於齊至今積二十一年聘齊故

中復盛聘

秋官疏

十請斷三尺焉而用之 斷三尺使至於較

大夫旗至較

冬官疏

視民不佻 示民不偷薄也

小雅疏

十二年 晉伐鮮虞 穀梁曰其曰晉狄之也不

正其與夷狄交伐中國故狄稱之也

正義云賈

服取以爲說

杜顯而異之

已乎已乎非吾黨之士乎 已乎決絕之辭

則謂歌者自言已意可已乎已乎此南蒯

今已非是吾黨之士

並正義

求鼎以爲分 有功德受分器

輶路籃縷 輶路柴車素大輅也籃縷言衣敝壞其輶籃籃然也

跋涉山林 草行曰跋水行曰涉

桃弧棘矢 桃弧棘矢所以禦其災言楚地山林無所出也

齊王舅也 齊呂伋成王之舅

昔我皇祖伯父昆吾舊許是宅 陸終氏六

十長曰昆吾少曰季連季連楚之祖故謂
昆吾爲伯父也昆吾曾居許地故曰舊許
是宅也

十三以聽國人聽國人欲爲誰

王公夏將欲入鄢鄢楚別都也

吾父再好王命謂斷王旌執人於章華之
宮

獲其五帥五帥蕩侯潘子司馬督囂尹午
陵尹喜

乃使爲卜尹 卜尹卜師大夫官

康王跨之 兩足各跨璧一邊

同惡相求如市賈焉 謂國人共惡靈王者
如市賈人求利也

無與同好誰與同惡 言無黨於內當與誰
共同好惡

可謂無謀 言靈王尙在而妄動取國故謂
無謀

私欲不違 不以私欲違民心

齊桓晉文不亦是乎 皆庶子而出奔

有國高以爲內主 國子高子皆齊之正卿

從善而流 言其疾也

惠懷棄民 皆棄民不恤

並楚世家注

使諸侯歲聘以志業問朝以講禮再朝而會

以示威再會而盟以顯昭明

正義云賈楚服虔皆以爲

朝天子之法

○王制疏

鄭伯男也 鄭伯爵在男服也

貢之無藝 藝極也一日常也

年十四盟費人司徒老祁慮癸 司徒姓也老

祁字也慮癸亦姓字也二子季氏家臣也
宥孤寡 宥寬赦其罪也

乃施邢侯 施罪於邢侯施猶劾也邢侯亡
故劾之

不爲末滅

正義云服虔讀滅爲滅下屬爲句

不爲末者不

爲末繫隱蔽之也咸曰義也言人皆曰
向是義

年十五吾見赤黑之祲 水黑火赤水火相溫

故爲祫

禮王之大經也 經常也常所當行也

十六年 幾爲之笑而不陵我 幾近也孔張

位近爲所笑

刑之頗類

正義云服虔讀類爲類

頗偏也類不平也

立於朝而祀於家 祀其所自出之君於家

以爲大祖

其祭在廟 謂孔張先祖配廟食

非不能事大字小之難

正義云服虔斷字小之難以下爲難

字養也言事大國易事小國難

不亦銳乎 銳拆也

年十七 昔者黃帝氏以雲紀故爲雲師而雲名

黃帝受命得景雲之瑞故以雲紀事以雲
名官春官爲青雲氏夏官爲緡雲氏秋官
爲白雲氏冬官爲黑雲氏中官爲黃雲氏
炎帝以火名官春官爲大火夏官爲鶉火
秋官爲西火冬官爲北火中官爲中火共
工以水名官春官爲東水夏官爲南水秋

官爲西水冬官爲北水中官爲中水大皞
以龍名官春官爲青龍氏夏官爲赤龍氏
秋官爲白龍氏冬官爲黑龍氏中官爲黃
龍氏

五雉爲五工正利器用正度量夷民者也
雉者夷也夷平也使度量器用平也

九扈爲九農正 九扈春扈頒鴈夏扈竊玄
秋扈竊藍冬扈竊黃棘扈竊丹行扈啗啗
霄扈嘖嘖桑扈竊脂老扈鵙鵙並正

自顓頊以來不能紀遠乃紀於近爲民師而
命以民事則不能故也 自少皞以上天
子之號以其德百官之紀以其徵自顓頊
以來天子之號以其地百官之紀以其事
月令

晉荀吳帥師涉自棘津 棘津猶孟津也
注

今茲火出而章必火入而伏

服本作火出而章必火入而

伏重火字別
句○正義

若火作其四國當之

服本作有字。按蜀

物之古四經本及御

覽所引並同蓋據服本如此

十八年

宋衛陳鄭皆火

四國次有火氣也

正義

梓慎登大庭氏之庫以望之

大庭氏古亡

國之君在黃帝前其處高顯

地官疏

弗良及也

弗良及者不能及也良能也

邠人藉稻

藉耕種於藉田也

今執事撝然

撝然猛貌也

並正義

十九年

費無極

楚大夫

楚世家注

許悼公癰 悼公靈公之子許男買瘡寒疾也

書曰弑其君 禮醫不三世不使君有疾飲藥臣先嘗之親有疾飲樂子先嘗之公疾未瘳而止進藥雖嘗而不由醫而卒故國史書弑以告於諸侯

太子建居於城父 城父楚北境

楚世家注

其一二父兄懼隊宗主 祔主藏於宗廟故曰宗主少牢饋食大夫禮也大夫無主何

所隊乎

寡君與其二三老 二三老駟偃家臣

年二十 春王二月己丑日南至 梓慎知失閏

二月冬至故獨以二月望氣

奮揚使城父人執已以至 城父人城父大

夫也

相從爲愈 相從愈於其死

並正義

彼將有他志 謂欲取國也

吳世家注

賓將擐

杜子春作擐讀爲造次之造賈服讀爲振

謂行夜也

夏官

疏

琴張聞張魯死 琴張鄭衆賈逵皆以爲子
張卽顓孫師案七十子傳云子張少孔子
四十餘歲孔子是時四十知未有子張鄭
賈之說不知所出

蓋誅於祝固史嚚以辭賓一祝固齊大祝史
嚚大史也謂祝史之固陋嚚聞不能盡禮
薦美至於鬼神怒也其意以爲請誅祝史
之嚚聞固陋者嚚固非人名也

上下無怨 上下謂人神無怨

並正義

山林之木衡鹿守之澤之萑蒲舟鮫守之藪之薪蒸虞候守之海之鹽蜃祈望守之

衡鹿舟鮫虞候祈望皆官名也守之令民不得取之不其利時景公設此守以致疾故晏子所非非其不與民同

地官疏

一氣

歌氣也

釋文

七音

七律爲七器音黃鍾爲宮林鍾爲徵

太簇爲商南呂爲羽姑洗爲角應鍾爲變

宮黜賓爲變徵

春官疏

二十一年

亟言之

亟疾也疾言之欲使信

正義

先人有奪人之心

戰氣未定故也

後人有待其衰

待敵之衰乃攻

並夏官疏

而不能送亡君

釋文絕句正義曰服虔以君上屬

不狎鄙

狎更也子城謂華豹曰不更射爲

鄙一曰城言我不狎習故鄙

並正義

二十二年

自憚其犧也

犧者以喻人之有純德

且宜爲君

地官疏

王弗應 賈逵以爲太子壽卒景王不立適

子

正義云服虔以賈爲然

司徒醜以王師敗績於前城 前讀爲泉周

地也

水經注

二十三年使各居一館 賈逵云使邾魯大夫各

居一館鄭衆云使叔孫子服回各居一館

賈說近之

正義

先君之力可濟也 獻公亦欲立子猛不欲

今子朝得國今南宮極震死爲天所弃先

君之功事可成也

乃縊於遠瀛

或謂之邑或謂之地

水經注

明其伍候

正義曰賈服王董皆作五候

二十四年春王二月丙戌仲孫纁卒 賈逵云是

歲孟僖子卒屬其子使事仲尼仲尼時年

三十五

正義

紂有億兆夷人

夷人夷狄之人也

周書素誓上疏

遂滅巢及鍾離而還

鍾離州來別邑

吳世家注

二十五年桐門右師見之

右師宋師樂大心也

服虔左傳解詁

其室居桐門故曰桐門右師

夏官疏

五牲三犧

五牲麋鹿熊狼野豕也三犧鴈

雉也

正義

有鸛鵒來巢書所無也

周禮曰鸛鵒不踰

濟今踰宜穴而又巢故曰書所無也

冬官疏

季氏介其雞邠氏爲之金距平子怒益宮於

邠氏

擣芥子播其雞羽可以全邠氏雞

目

左傳疏引此作賈注

邠氏以金鍔距平子怒其不

下已也侵邠氏之宮地以自益

季臧氏老 老臧氏家之大臣

請囚於費弗許請以五乘亡弗許 費季氏

邑言五乘自省約以出

並魯世家注

公徒釋甲執冰而踞 冰櫝九蓋也

鄭風疏○左傳

疏引作賈注

二十六年春王正月庚申齊侯取鄆 往年齊侯

取鄆實圍鄆耳經於圍書取傳實其事故

於是言取

正義

然據有異焉 異猶怪也

魯世家注

劉子以王出 出成周也

正義正

是亂國而惡君王也 廢而不立是謂亂國

追惡君王也

國有外援不可黷也 外援謂太子任秦之

外孫黷易也秦爲任外援不可易

昔武王克殷

服本作文 武克殷

文王受命武王伐

紂故云文武克殷

正義正

侯釋位以間王政 言諸侯釋其私政而

佐王室也

魏志武帝紀注

規求無度

規服本作玩

玩貪也

正義

其誰有此乎

景公自恐德薄不能久享齊

國故曰誰有此也

齊世家注

十一年使延州來季子聘於上國上國中國

也蓋以吳辟在東南地勢卑下中國在其

上流故謂中國爲上國也

正義

遂聘於晉以觀諸侯

察其彊弱

吳世家注

楚莠尹然王尹麋帥師救潛王尹王宮內

之政

正義

此時也 此時言可殺王時也

上國有言 上國謂上古之國賢士所言也

正義

不索何獲 不索當何時得也

吳世家注

我王嗣也 夷昧生光而廢之僚者夷昧之

庶兄夷昧卒僚代立故光曰我王嗣也

正義

母老子弱 母老子弱專諸託其母子於光

也

是無若我何 猶言我無若是何

我爾身也 我言身猶爾身也

鱗設諸竇劒於魚中以進 全魚炙也

以待天命 待其天命之終也

復命哭墓 復命於僚哭其墓也

並吳世
家注

取五甲五兵 兵戟也

遂弗熱也令尹炮之 民弗肯熱也鄢將師

稱令尹使女燔炮之燔炮熱皆是燒也

使宰獻而請安 請安謂主人使司正請安

於賓

並正義

二十昔有仍氏生女黥黑

毛詩引作鬢黑

而甚美光

可以鑑名曰亶妻

髮美爲鬢詩云鬢髮

如雲言其美長而黑以髮美故曰亶妻

鄭

疏

忿類無期

釋文服本作類

忿怒其類以鑒其私無

期度也

正義

心能制義曰度

心能制事使得其宜言善

揆度事也

德正應和曰莫

在已爲德施行爲正發號

困辱李氏閔而釋之所謂李君如在國

二十二年辛亥朔日有食之是夜也趙簡

子夢童子羸而轉以歌旦占諸史墨曰吾

夢如是今而日食何也對曰六年及此月

也吳其入郢乎終亦弗克入郢必以庚辰

日月在辰尾庚午之日日始有謫火勝金

故弗克是歲歲在析木後六年在太梁

大梁水宗十一月日在星紀爲吳國分楚

之先顓頊之子老童老童楚象行歌象楚

走哭姬姓日日在星紀星紀之分姬

也楚衰則吳得志吳世世與楚怨楚走去
其國故曰吳其入郢吳屬水水數六十月
水位故曰六年及此月也有適而食故知
吳終亦不克後六年定四年十一月閏餘
十七閏在四月後其十一月晦庚辰吳入
郢在立冬後復此月也十二月辛亥日會
月於龍尾而食庚午日初有適故曰庚辰
一曰日月在辰尾尾爲亡臣是歲吳始用

一膏之謀以伐楚故天垂象午火庚金也
火當勝金而反有適故爲不克晉諸侯之
弱與楚同盟趙簡子爲執政之卿遠夷將
伐同盟日應之食故夢發簡子

二十史墨曰不及四十年越其有吳乎越得
歲而吳伐之必受其凶 歲在星紀吳越
之分野茲復之歲歲在大會距此十九年
昭十五年有事於武宮之歲龍度天門龍
歲星也天門在戌是歲越過故使今年越

得歲龍東方宿大德之貴神其所在之國
兵必昌向之以兵則凶吳越同次吳先舉
兵故凶也或歲星在越分中故云得歲史
墨知不及四十年越有吳者以其歲星十
二年一周天存亡之數不過三紀三者天
地人之數故歲星二周星紀至哀楊哀二
十二年越滅吳至此三十八年

並春
官本

定公四年君行師從 謂會同

小雅
疎

殷民六族 殷民祿父之餘民三十族六姓

也條氏徐氏蕭氏索氏長勺氏尾勺氏官

備物典策 備物國之職物之備也當謂國

君威儀之物若今繖扇之屬備賜魯也正義

分康叔以大路少帛綰夜旃旌大呂 復如

分周公欲康叔以化之

職官五正 五正五官之長

並秋官疏

若之何其使蔡先衛也 載書使蔡在衛上

管蔡世來注

楚子取其妹季芊畀我以出涉睢 季芊許

嫁而字畀我季芊弟也禮婦人許嫁并而

稱字季芊稱字是許嫁也蓋遭亂夫死而

改適鐘建耳

正義

王奔鄖 鄖楚縣

吳世家注

平王殺吾父 父成然

楚世家注

以王奔隨 隨楚與國也

吳世家注

申包胥如秦乞師 楚大夫王孫包胥

楚世家注

以我無勇焉忘其目也 志中其目是非其

誠詐以自矜

大射儀疏

順祀先公而祈焉

自躋僖公以來昭穆皆

逆

禮器疏

陽虎入於謹陽關以叛

陽關魯邑

魯世家注

年九暫幘而衣狸製

狸製狸裘也

幽風疏

齊侯謂夷儀人曰得敝無存者以五家免

是時齊克夷儀而有之既爲齊有故齊得

優其爲役也然夷儀故邢都也邢滅入衛

後乃屬晉齊而伐夷儀其入晉竟深矣

不必永爲齊有當時暫得之耳

正義

十一年公會齊侯於祝其實夾谷東海祝其縣

是也

齊世家注○水經注引服虔云地二名

犧象不出門嘉樂不野合犧象饗禮犧尊

象尊也嘉樂鐘鼓之樂也

小雅疏

齊人來歸鄆謹龜陰之田三田汝陽田也

龜山名陰之田得其田不得其山也

十一年將墮三都三都三家之邑也

公與三子入於季氏之宮三子孟孫叔孫

季孫也

入及公側 人有及公之臺側

仲尼命申句須樂頎下伐之 申句須樂頎

魯大夫

公斂處父

成宰也

並孔子世家注

十三年 歸我衛貢五百家 往年趙鞅圍衛衛

人恐懼故貢五百家鞅置之邯鄲又欲更

徙於晉陽

歸告其父兄 午之諸父兄及邯鄲中長老

趙稷涉賓以邯鄲叛 稷午子

逐范吉射而以范臯夷代之 臯夷范氏之

側室子

韓魏以趙氏爲請 以其罪輕於荀范也 並趙

世家注

哀公元年使疆於江汝之間而還 蔡使楚進疆

於故江國與汝水之間其意言蔡割地以

賂楚也

正義

使大夫種因吳大宰嚭以行成 行成求成

也

滅夏后相 相啟之孫

生少康焉 后緡遺腹子

撫其官職 因此基業稍收取夏遺民餘衆

撫修夏之故官憲典也

祀夏配天不失舊物 以鯀配天也物職也

並吳世家注

越十年生聚而十年教訓 令少者無娶老

婦老者無娶少婦女十七不嫁男二十不

娶父母有罪也將生子以告與之鑒饋之
餽也死者釋其征必哭泣葬埋如其子也
孺子遊者必餽歡之也非手所種天人所
織不用十年不收於國

在軍熟食者分而後敢食 以其半分軍士
而後自食其餘若筮醪注流也

年二叔孫州仇仲孫何忌及邾子盟於句繹

季孫尊卿敵服先歸使二子與之盟穀梁
傳曰三人戰而二人盟何各盟其得也

意言季孫不得田故不與盟也

郢不足以辱社稷 郢自謂已無德不足

以污辱社稷

衛世家注

三揖在下 三揖卿大夫士士揖庶姓時

異姓天揖同姓

正義

八人衰絰 衰絰爲若從衛來迎太子也

衛世家

注家

志父無罪君實圖之 趙鞅入於晉陽以叛

諸侯之策書曰晉趙鞅以叛既復更名志

父或當然也楚公子圖弑君取國改名曰
虔經卽書虔公子棄疾弑君取國改名曰
居經卽書居今趙鞅改名志父經書猶云
趙鞅者彼楚子旣爲國君臣下以所改之
名告於鄰國故得書所改之名趙鞅人臣
國家不爲之諱仍以趙鞅名告故書鞅也
鞅言君實圖之言已事齊君當謀其賞也
簡子言此君當謀其賞者言君當賞其在
下副上所誓之言欲使在下信之非欲自

求賞也

邶無恤御簡子 無恤王良也孟子說王良

善御之事古者車駕四馬御之爲難故爲
六藝之一王良之善御最有名於書傳多

稱之

並正義

三命藏象魏曰舊章不可忘也 象魏闕也
法令縣之朝謂其書爲象魏

其桓僖乎 季氏出桓公又爲僖公所立故

不毀其廟俱在迭毀故不言及

正義

桓僖當

毀而魯事非禮之廟故孔子聞有火災

其加桓僖也

孔子世家注

召正常正常不反

召而問兒死意

正義

四年襲梁及霍

梁霍周南鄙也

水經注

五年齊燕姬

蔡姬齊景公之嫡夫人昭七年

燕人所歸

諸子鬻姒之子荼嬖

諸子諸公子鬻姒景

公妾淳于人所納

諸大夫恐其爲子也言於公曰君之齒長矣

未有天子若之何 爲子爲天子也茶
故恐立之言君長未有天子一旦不諱當
若之何欲齊侯早立長也

公曰二三子間於憂虞則有疾疾亦姑謀樂
何憂於無君 言二三子當國家閒暇無
憂虞恐疾疹在其間今無疹疾何爲不自
謀樂何憂無君乎

真羣公子於萊 眞置也萊齊東鄙邑欲使
遠齊

蔡人歌之曰景公死乎不與埋三軍之事乎
不與謀師乎師乎何黨之乎 蔡人見五
公子遠遷鄙邑不得與景公葬埋之事及
國三軍之謀故愍而歌師衆也黨所也言
公子徒衆何所適也

並齊世家注

年六潛師閉塗迎越女之于章立之而後還

閉塗不通外史也越女昭王之妾

楚世家注

楚子使問諸周太史 諸侯皆有大史主周

所賜典籍故曰周太史 曰是時往問周

太史

正義

三代命祀祭不越望 謂所受王命祀其國

中山川爲望

楚世家注

惟彼陶唐率彼天常有此冀方 堯居冀州

虞夏因之不遷居不易民其陶唐虞夏之

都大率相近不出河東之界故書賁大康

亡失

魏風疏

七年知必危何故不言 孟孫謂諸大夫誠知

伐邾必危何故不早言也

初曹人或夢衆君子立於社宮 衆君子諸

國君妾耳

並正義

十一年吳子三日哭於軍門之外 諸侯相臨之

禮

吳世家注

侵及賴而還

賴齊邑

齊世家注

十一年屬其子於鮑氏爲王孫氏 鮑氏齊大

夫

使賜之屬鏹以死 屬鏹劍名賜使白刃

並吳

世家注

孔文子

衛卿也

孔子世家注

胡簋之事

夏曰瑚

正義

鳥則擇木木豈能擇鳥

鳥喻已木以喻所

之之國

孔子世家注

十二公會吳於橐臯

橐臯地名也

吳世家注

若可尋也亦可寒也尋之言重也溫也表

歇也亦可寒而歇之

有司敬疏

侯伯致禮地主歸餼致賓禮於地主傳言

吳不行禮於衛衛非地主

正義

十三

自剗七人於幕下

以絕口

吳世家法

十四

西狩於大野叔孫氏之車子鉏商獲麟

言西者有意於西明夫子有立言立言

之位在西方故著於西也車車士微者也

子姓鉏商名夫子以哀十一年自衛反魯

而作春秋約之以禮故有麟應而至

正義麟

中央土獸土爲信信禮之子修其母致其

子視明禮修而麟至思睿信立而白虎擾

言從父成而神龜在沼聽聽知正則名川

出龍貌恭性仁

周南疏作體仁

則鳳皇來儀

疏

以爲不祥以賜虞人仲尼觀之曰麟也然後

取之

麟非時則常見故怪之以爲不祥

也

仲尼名之曰麟然後魯人乃取之明

麟爲仲尼至也

孔子世家注

小邾射以句繹來奔

春秋終於獲麟故小

邾射不在三叛人中也弟子欲明夫子作

春秋以顯其師故書小邾射以下至孔子

卒

正義○春秋序疏云案杜於此下及哀十四年注皆取服義爲說

子我夕 夕省事子我將往夕省事於君而
逢逆之殺人也

陳氏方睦 陳常方欲謀有齊國故和其宗
族

使疾而遺之湯沐備酒肉 使陳逆詐病而
遺也

子我盟諸陳於陳宗 子我見陳逆得生出
而恐爲陳氏所怨故與盟而請和也陳宗
宗長之家

我遠於陳氏矣且其違者不過數人 言我
與陳氏宗疏遠矣違者不從子我者

彼得君弟先必禍于子行舍於公宮 彼謂
闕止也子謂陳常也止於公宮爲陳氏作
內問也

成子兄弟四乘如公 成子兄弟八人二人
其一乘故曰四乘

出迎之遂入閉門 成子兄弟見子我出遂
突入反閉門子我不得復入

服虔左傳解詁

侍人禦之子行殺侍人 閹豎以兵禦陳氏
子行舍於公宮故得殺之

公與婦人飲酒於檀臺成子遷諸寢 當陳
氏入時公與婦人飲酒於此臺成子欲徙
公令居寢也

大史子餘 齊大夫

將出

出奔也

並齊世家注

所不殺子者有如陳宗 陳宗先祖鬼神也

正義

子我歸屬徒攻闔與大門 徒會徒衆宮中
之門曰闔大門公門也

殺諸郭闕 齊闕名

成子將殺大陸子方 子方子我黨大夫衆
郭賈也

何以見魯衛之士 子方將欲奔魯衛也

並齊

世家注

十王將以尸入 在牀曰尸在棺曰柩

正義

舍於孔氏之外圃昏二人蒙衣而乘 圃園

也二人謂良夫太子蒙太爲婦人之服以巾蒙其頭而共乘也

孔氏之老樂寧問之家臣稱老問其姓名遂入適伯姬氏入孔氏家適伯姬所居孔伯姬杖戈而先先至孔悝所

遂劫以登臺於衛臺上召衛羣臣

使告季子召獲駕乘車季路爲孔悝邑宰

故告之召獲衛大夫駕乘車不駕兵車也

言無距父之意

行爵食炙奉衛侯輒來奔

繼寧使召季子

乃行爵食炙召獲奉衛侯

食焉不辟其難 言食懼之祿欲救懼之難
此明其不死國也

公孫敢門焉曰無入爲也 公孫敢衛大門
言輒已出無爲復入也

下石乞孟驪敵子路 二子蒯聵之臣敵當
也

君子死冠不免 不使冠在地

並衛世家注

十六稱一人非名也 天子自謂一人非諸

侯所當稱也

孔子世家注

使處吳竟爲白公 白邑名楚邑大夫皆稱

公

楚世家注

請以戰備獻 欲陳士卒甲兵如與吳戰時

所入獻捷

正義

圖公陽穴宮負王以如昭夫人之宮 昭夫

人惠王母越女也

楚世家注

年十七立公子起

起靈公子

衛世家注

武伯曰然則彘也 彘武伯名也魯於齊爲

小國故曰彘也

天官疏

二十年 吳公子慶忌驟諫吳子 驟數也鄭風疏

二十年 是彘言也 彘僞不信言也

釋文

五年 衛侯出奔宋 此下但有適城鉏以鉤

越無奔宋之事

正義

二十年 設乘車兩馬 一曰兩飾

公游於陵阪 陵阪地名

魯世家注